

Der funft teil

Betracht dar noch wie zū lezt do du
als gemein, gehorsam vñ bescheiden/
synen lyb, wie wol kleglich doch er-
wirdigklich begraben liessest/vnnd in
mit weinender stym dem ewigē vater
beuelhen, uch dez stein des grabes mit
den allen bittersten treherū durchgies-
sen, vmbfahen vnd küssen wasest. **D**
wie trowrich tryt hest du von dē grab
gethan, vñ wie oft hast du hindersich
gesehen, dan an zwyfel daselbest het-
test du dinen geist begraben. Als du
uch dy stett syner krūczygūg vñ syns
lydens im hingan durchsuchtest, hest
du sy mit bitterm weinenn angebet.
vnnd alle dyng yn dyn gedechmūß
krefftigklich gebyldet/gegen iherusa-
lem ein zūgan, hast du andechtig wyb
mit dir klagend vnnd weinen gehebt.